

**BOSNA I HERCEGOVINA
FEDERACIJA BOSNE I
HERCEGOVINE**

**KANTON SARAJEVO
SKUPŠTINA KS
VLADA KS
PREMIJER KS
MINISTARSTVO SAOBRAĆAJA KS
KJKP GRAS D.O.O. SARAJEVO
CENTROTRANS D.D. SARAJEVO**

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

INICIJATIVU: Rješavanje problema nedovoljnog broja polazaka autobusa za dane vikenda na relaciji Ilidža – Tarčin – Vukovići i obrnuto.

OBRAZLOŽENJE:

Sagledavši činjenično stanje i aktuelni red vožnje, te u skladu sa zahtjevom građana i Općinskog Vijeća Hadžići, i na prijedlog zamjenika predsjedavajućeg OV Hadžići - Muje Ibrice, posebno u dane vikenda gdje je broj polazaka u oba smjera sveden na minimum i gdje je evidentan problem velikog razmaka između polazaka autobusa na pomenutoj liniji, neophodno je povećati broj polazaka za oba operatera na ovoj relaciji. Naime, za dane vikenda, u redu vožnje, koji je sastavni dio inicijative vidljiva je velika vremenska razlika između broja polazaka na ovoj relaciji. Iskustveno, obzirom na stanje voznog parka operatera JPP – a u KS i da nam idu hladni dani i vrijeme, te da su sve češći ispadi vozila iz saobraćaja (češći kvarovi), građani ovog dijela kantona će biti uskraćeni za adekvatan prijevoz za dane vikenda i stoga neophodno je građanima Vrbanje, Smucke, Trznja, D. Rašteliće, G. Rašteliće, Đanića i Vukovića obezbijediti adekvatan prijevoz u dane vikenda. Moram naglasiti da u ovim naseljima živi skoro 2000 ljudi i koji za dane vikenda imaju obezbjeđen prijevoz sa samo tri autobuske linije, i to CTS saobraća dva puta, a GRAS jedanput. Po redu vožnje zadnji polazak iz Vukovića je u 17.00 sati, što znači da radnici koji rade po različitim smjenama ne mogu do posla, a mladi ljudi, koji nemaju lično prijevozno vozilo primorani su ostati kući. Moram naglasiti da u posljednje tri sedmice izostavljen je polazak autobusa prijevoznika GRAS u 8.00 sati za Tarčin, tačnije građani su mi rekli da 11.11.2023. godine CTS autobus je otišao sa Ilidže u 06.00 sati, a tek po redu vožnje saobraćaju GRAS u 9.30 i CTS u 11.00 sati.

Predlažem slijedeći zaključak: Predlaže se, a sve na zahtjev građana Općine Hadžići i Općinskog Vijeća Hadžići, da Ministarstvo saobraćaja Kantona Sarajevo i licencirani

operateri koji saobraćaju na ovoj relaciji, po hitnom postupku, u skladu sa zakonom i procedurama obezbijede dovoljan broj autobuskih linija/polazaka za dane vikenda na relaciji Ilidža – Tarčin – Vukovići i obrnuto.

ZASTUPNIK SDA U SKS
Adi Kalem